

# الأميرة والفلاح | ذكرى وعبرة ٣ | حلقة ٢ | فاضل سليمان

فاضل سليمان

رسائل رحمته حوالبك تبعها وخد امل منها كان قبلك بزكراك طول ما لسه الروح في جسمك طول ما قلبك لسه فرصة تبقى احسن في اللي في الحياة يوم ميلادنا واحنا اطفال في السفر من ساعتها ليوم وفاتنا كل - [00:00:00](#)

السلام عليكم ورحمة الله وبركاته جون ريث آآ مليونير بريطاني سنه خمسة وتلاتين سنة وسيم جدا زي ما واضح قدام حضراتكم في الصورة. سروته تقدر بستة واربعين مليون جنيه استرليني - [00:00:40](#)

الجنيه السري بحوالي اربعة وعشرين جنيه مصري يعني بتكلم في مليار جنيه مصري ومتين وخمسين مليون ده وهو عنده خمسة وتلاتين سنة متزوج عنده طفلين في منتهى الجمال سيارته رولز رويس وعنده انواع اخرى من السيارات اللي يتمناها اي شاب في سنه - [00:01:01](#)

سنة الفين وتسعة دعا اصدقائه لرحلة صيد في اجازة الكريسماس اللي في قصره آآ في مزرعته الرائعة في مقاطعة لينكنشاير في شمال انجلترا وجهاز لهم حفل كريسماس قوي جدا واتفق مع اكبر شيف في بريطانيا عشان يبقى عشا ما حصلش لما يرجع مع - [00:01:21](#)

اصدقاؤه من رحلة الصيد وقبل بداية توافد الاصدقاء على القصر اخذ المسدس بتاعه وضرب نفسه بالنار في راسه وانتحر بعدها بسنة ده كان سنة الفين وتسعة. سنة الفين وعشرة مليونير اخر اسمه بول كاسل. وده من ابطال ركوب الخيل ورياضة البولو - [00:01:41](#)

آآ رياضة البولو هي لعبة بتتلعب بالكورة من على ظهور الخيل. الفرسان بيضربوا الكورة بمضارب طويلة وبول كان من عليه القوم في بريطانيا صديق للامير تشارلز وتم تكريمه من قبل آآ جلالة الملكة اليزابيث ملكة بريطانيا - [00:02:06](#)

العظمى وخرج من مكتبه في شارع اكسفورد. اكسفورد ده اكبر شارع في آآ لندن واشهر شارع ودخل محطة المترو الشهيرة دي على فكرة قريبة من بيتي هنا في لندن على بعد ربع ساعة - [00:02:23](#)

رمى نفسه قدام القطر السؤال اللي بيطرح نفسه هي الناس دي مجانيين حد يترك كل المتع دي والفلوس دي والشباب ده ده متع حلال ومتع حرام وكل حاجة عندهم ايه اللي يخلي واحد يضرب نفسه بالنار في راسه او يرمي نفسه قدام قطار عشان يتفرم فرم وما يبقاش فيه اي فرصة حتى لانقازه - [00:02:40](#)

يعني ممكن الواحد يفهم ان واحد مش عارف يأكل عياله بسبب غلاء الاسعار. او مش لاقى شغل او مش عارف يتجوز شرعا طبعا لا يجوز ان الواحد يقتل نفسه ولكن بقول ممكن افهم السبب. لكن شباب ووسامة وغنى - [00:03:07](#)

ما الذي يدفع مثل هؤلاء انهم يقتلوا نفسهم العذاب الناس لما بتتعذب بتحاول تنهي حياتها عشان ينتهي عذابها والقرآن صور لنا صورة آآ الناس في جهنم من كثر العذاب بينتحرروا. لكن مش بيموتوا - [00:03:25](#)

هيتجننوا ونادوا يا ما لك خزن النار ليقضي علينا ربك خلي ربك يقتلنا قال انكم ماكتون لقد جئناكم بالحق ولكن اكثرتم للحق كارهون لكن في الدنيا اللي بينتحر بيموت صحيح هو عذابه لم ينتهي لانه تجرأ على الله واخذ الروح التي لا يقبضها الا الله - [00:03:50](#)

والمنتحر يا جماعة بيقتل نفسه بطريقة مؤلمة لكنه يظن انها مؤقتة تلاتين ثانية او دقيقة بالكثير وخلاص وهينتهي العذاب هو يظن كده اكيد اللي اطلق النار على راسه يعلم ان الرصاصة ستؤلمه - [00:04:22](#)

لكن اللي جراه هو ان الالم مؤقت. ثواني معدودة ويموت ولن يشعر بالالم بعد كده كذلك من القى نفسه قدام قطار يظن ان يعني يعلم ان ان في الم شديد ولكن يظن ان الالم مؤقت لمدة ثواني نص دقيقة حتى دقيقة - [00:04:42](#)

لكن بعد كده هيستريح لذلك سبحانه الله عقوبة المنتحر عند الله هي انه يظل يقتل نفسه بنفس الطريقة اللي تجرأ وقتل نفسه بها واختارها لانهاء حياته ويعود مرة اخرى الى الحياء ثم يقتل نفسه بها ثاني ويعود ويبقى يقتل نفسه بها ثالث ويعود وهكذا الى الابد - [00:04:59](#)

فيصبح الالم الذي تجرأ عليه لانه مؤقت يصبح الم مؤبد لا نهاية له مش موضوعنا موضوعنا هو ليه الناس دي مش مستريحة؟ بالرغم من كل الملذات ملذات الدنيا كلها تحت ايديها - [00:05:27](#)

الاجابة هي ان روح الانسان لا يمتعها المتع الحسية المتع والملذات المحسوسة آآ مش هي دي اللي بتريح الروح متعة الروح ليست في نفس الاشياء اللي بتمتع الجسد. الجسد يستمتع آآ عايز يستمتع ياكل فراخ ياكل جمبري ياكل استاكوزا حمام محشي - [00:05:46](#)

فيجد متعة في فمه ثم يبدأ العقل يفرز مادة مسؤولة عن السعادة لكن لكنها سعادة الجسد خليني اديكم مثال يوضح اكثر شوية احدي الممالك غزت مملكة اخرى واحتلتها والملك بتاع المملكة اللي احتلت - [00:06:10](#)

قتل وكان عنده بنت واحدة شابة جميلة اميرة راقية هربت واضطربت تتزوج من فلاح بسيط آآ انا طبعا مش عايز الفلاحين يزعلوا مني. انا نفسي فلاح من الغيطان. لكن ده مجرد مثال - [00:06:33](#)

هي اتجوزت آآ آآ هذا الفلاح والفلاح وجد زوجته الاميرة قاعدة حزينه ومش عارف يا ترى ايه السبب عمال يقول لنفسه يا ترى ايه السبب في حزن زوجتي وبعدين قال لك بس اكيد السبب هو ان احنا ما عندناش بتنجان - [00:06:53](#)

بقى لنا مدة ما عندناش بتنجان في البيت. انا هجيب لها بتنجان وراح السوق واشترى قفصين بتنجان ورجع رماهم تحت رجليها. شبيكي لبيك كل بين ايديك نعمل محشي ناكل مقلي نحطه في صينية في الفرن - [00:07:10](#)

اللي انت عايزاه هي نزلت له كده من فوق لتحت وما ردتش والحزن لسة في عينيها قعد يفكر هي لسه زعانة ليه ايوه بس وجدتها علشان ما عندناش بصل اما انا غبي بشكل. اومال هتطبخ ازاى من غير بصل! راح على السوق واشترى شوالين بصل ورجع دلهم تحت رجليها وقال لها يلا يا ستي ان شاء الله ما حد حوش - [00:07:27](#)

اي خضار انت عايزاه او اي اكل انت عايزاه لازم تقولي لي عليه وانا اجيبه لك تبص له من فوق لتحت مزهولة والحزن ما زال في عنيتها ممكن تفهميني سبب حزنك ده ايه - [00:07:50](#)

بالرغم من كل الخضار اللي بجيبه لك. قالت له بص انت فلاح فاهمك على قدك. سبب السعادة عندك. البتنجان والبصل انما انا اميرة اتربت في القصور على الاوبرا والفنون الراقية والاستماع لأكبر الفلاسفة - [00:08:04](#)

هذا الفلاح يمثل جسد الانسان والاميرة تمثل روح الانسان الروح راقية. ما يرضيها ليست المتع الحسية التي ترضي الجسد لكن الجسد مش فاهم الا المتع والملذات اللي بترضيه هو. جمع المال والطعام والشهوة الجنسية. فبيحاول يجلب السعادة - [00:08:25](#)

والراحة لنفسه ولروحه بالملذات دي في اكتئاب يديها خمرة استريح شوية ثم يعود للاكتئاب مضروب في عشرين يلجأ لملذات اخرى. ويقعد يدي في ملذات جسدية سواء حرام او حلال. لكن الروح لسة مش مستريحة - [00:08:51](#)

الروح نفخة الهية لا يرضيها ولا يريحها الا التواصل مع مصدرها طول ما التواصل مقطوع هتفضل تعبانة. والتواصل مع الله لا يتم بالحواس الخمسة ربنا سبحانه وتعالى لا نقدر نشوفه بعيننا ولا نسمعه بودانا ولا نذوقه بافواهنا ولا نلمسه بايدينا ولا نشمه بانوفنا.

امال نتواصل معه ازاى - [00:09:17](#)

بارواحنا بطرق روحانية. ايه هو نفخ الروح فينا؟ التواصل مع الله يكون بالطرق الروحانية قراءة القرآن بتدبر وخشوع صلاة بخشوع. لازم نستحضر الامور الروحانية. ما ينفعش نحول الروحانيات الى امور بنعملها بطريقة - [00:09:43](#)

جسدية فقط خشوع الصلاة بخشوع قراءة قرآن تكون بتدبر. ذكر ودعاء وتأمل في الكون يكون باستحضار قلب كده الانسان يستريح

يستريح الانسان ولو ساكن في غرفة فوق السطوح قراءة القرآن بتدبر - [00:10:06](#)

تجعل القرآن تقلب القرآن الى كائن حي في قلب الانسان يضحكوا لما يحتاجوا يبكاه لما يحتاج يسليه لما يحتاج الصلاة بخشوع

تشعر الانسان بلذة ليس بعدها لذة المهم انك تكون على اتصال مستمر - [00:10:26](#)

انت بتشوف المليونير ده وبتحسده وهو بيشوفك وانت راكب المواصلات العامة وبتضحك وبيقول يا بختك بتقدر تضحك بتقدر

تضحك من غير ما تكون شارب لو منهم واحد بيشرب بيقدر يضحك بس وهو شارب - [00:10:48](#)

خليك على اتصال مستمر بربنا. اوعى تشد الفيشة. وتقطع الكهرباء عن نفسك. تذكر دائما الا بذكر الله تطمئن القلوب الروح تطمئن لما

تكون متصلة بخالقها عارف لما تكون مدينة غريبة - [00:11:03](#)

وكبيرة جدا وما حدش بيتكلم لغتك وما فيش معك جي بي اس وتشعر بالضياح مش عارف تتحرك هو ده حال الروح اذا انقطع

الاتصال بينها وبين الخالق سبحانه وتعالى بتبقى حاسة بالضياح - [00:11:21](#)

واذا تواصلت بتطمئن احنا اللي عايزين نعمله ان احنا نوصل لمرحلة اطمئنان الروح بالتواصل بالله سبحانه وتعالى. والسلام عليكم

ورحمة الله. واشوفكم بكرة في ذكرى جديدة وعبرة جديدة ولو كنتم بتتفرجوا على الانترنت. ما تنسوش تعملوا لايك وشير للفيديو

وتشتركوا في القناة بالضغط على زر السبسكرايب لان ده بينشر الفيديوهات بتاعتنا والسلام عليكم - [00:11:36](#)

رسايل رحمته حوايك تبعها وخد امل منها كان قبلك بذكريات طول ما لسه الروح في جسمك طول ما تبقى احسن في اللي في

الحياة من يوم ميلادنا واحنا اطفال في السفر من ساعتها ليوم وفاتنا كل - [00:12:00](#)

- [00:12:41](#)